

» **Congé**

Ausser dem normale Congé dee jiddereen ze gutt huet, wann en an engem Oarbechtskontrakt drann ass (25 Deeg), ginn et och nach aner Congéëen. Wichteg fir déi jonk Leit ass awer virun allem de

- **Congé-éducation:** fir déi jonk Leit ënner 25 Joer déi schaffe ginn (d'Animateure kënnen déi Alterslimite iwwerschreiden). Dese Congé ass fir d'«formation civique et sociale» vun de Jonken ze garantéieren. Och kennen d'Animateuren dovunner profitéieren fir sech weider ze forméieren. En ass awer virun allem fir all Jonk déi sech an hirem Beruf nach welle weider forméieren. De Minister muss säin OK fir de Programm ginn. Am ganzen Liewen huet een 60 Deeg ze gutt. Op engem Zäitraum vun 2 Joer duerfen dat maximal 20 Deeg sinn. Déi Congésdeeg ginn als effektiv Aarbechtszäit ugerechent.

Da gi mer der an engems kleng Informatiounen iwwer aner Zorte vu Congé:

- **Congé Sportif:** fir d'Sportler, d'Trainer an d'Abiter déi federéiert sinn. Des Demande muss 1 Mount virun der Manifestatioun beim Sportsministär ugefrot ginn.
- **Congé Culturel:** ass fir Leit aus der kultureller Szene (Theater, Musek, Danz, etc) geduecht. Maximal huet een 60 Deeg ze gutt. Am Laf vun 2 Joer duerfen et net méi wéi 20 Deeg sinn. Am Virfeld muss eng Demande beim zoustännege Minister gemeet ginn.
- **Congé fir "Services d'Incendie, de Secours et de Sauvetage":** déi Leit déi bénévol an dese Beräicher schaffen, kenne wäehrend 42 Deeg an hirem Liewe fir hir Weiterbildung vun deem Congé profitéieren. Maximal kënnen et 6 Deeg am Joer sinn.
- **Congé de Maternité:** 8 Wochen virun der Gebuert, 8 Wochen no der Gebuert. (D'Pei leeft normal weider an där Zäit, d'Zäit zielt als normal Oarbechtszäit.)
- **Congé Accueil** vun 8 Wochen kritt d'Mamm oder de Papp bei enger Adoptioun vun engem Kand dat nach net ageschoult ass.
- **Congé Parental** (fir d'Mamm an de Papp): ass geduecht fir sech em d'Erzéihung vun engem Kand ënner 5 Joer ze këmmen. Déi Zäit (maximal 6 Méint pro Elterndeel) gëtt eng Indemnitéit vun der Caisse nationale des prestations familiales ausbezuel.
- **Congé Spécial d'éducation:** dese Congé ass fir eng Periode vun engem Joer nom Congé de Maternité. Een Elterndeel kann ufroen fir berufflech eng Paus ze maache, fir sech em d'Erzéihung vum Kand ze këmmen. No deem Joer huet een d'Recht nees op seng al Aarbechtsplaz zrëck gesat ze ginn.
- **Congé Politique:** Desen ass fir Buergermeeschter, Schäffen an Gemengeconseilleeën. D'Unzuel un Deeg ass ofhängeg vun der Gréist vun der jeweiliger Gemeng.
- **Congé Syndical:** Dese Congé ass fir d'Gewerkschaftler.

Zu de **Congés Extraordinaires** zielen:

- Hochzäit 6 Deeg
- De Papp bei der Gebuert vun engem Kand 2 Deeg
- Adoptioun vun engem Kand 2 Deeg
- Hochzäit vun engem Kand 2 Deeg
- Stierfall an der Famill (1te Grad) 3 Deeg
- Stierfall an der Famill (2te Grad) 1 Dag
- Plënneren 2 Deeg